

Վ. Կ. ՈՍԿԱՆՅԱՆ

ԹՈՒՍԱՍՏԱՆՈՒՄ ՀԱՅԿԱԿԱՆ ԳԱՂԹԱՎԱՅԻՆԵՐԻ ԱՌԱՋԱՑՄԱՆ
ՊԱՏՄՈՒԹՅՈՒՆԻՑ

Հեռավոր անցյալում աշխարհի տարբեր մասերում ստեղծվեցին հայ գաղթօջախներ՝ որպես հետևանք Հայաստանի տնտեսական, քաղաքական ու կուլտուրական կյանքի յուրօրինակ պայմանների: Վաղ միջնադարի հայկական վաճառաշահ քաղաքների տուկտրական խավերը ուղիներ էին որոնում սեփական և հարևան երկրների արտագրության առարկաները շուկա հանելու համար՝ լսար հեռաստաններում ստեղծելով իրենց առևտրական տները, բնակություն հաստատելով այնտեղ, որտեղ կարելի էր իրացնել Արևելքի գյուղացիների, արհեստավորների արտադրանքը, ձեռք բերելով Մերձավոր արևելքի համար անհրաժեշտ ապրանքներ: Հայ թագավորների և իշխանների զորքերը տարբեր պայմանների բերումով հանգես էին գալիս այլ երկրներում, մասնակցում պատերազմների ու արշավանքների, երբեմն մեռնում, բնակություն հաստատում այնտեղ: Ստեղծված գաղթօջախները հանգրվան էին գաղնում վաճառականների, պանդուխտների, օտար հորիզոններում ապրուստի միջոց ու բախտ որոնողների նորանոր խմբերի համար: Գաղթօջախները, սակայն, առանձնապես աճում և մեծանում էին օտար նվաճողների ասպատակությունների և ավերիչ պատերազմների ժամանակ, երբ տեղի էր ունենում բնակչության զանգվածային փախուստ կամ բռնի արտագաղթ:

Հայկական գաղթավայրերի պատմությունը հայ ժողովրդի պատմության անբաժանելի մասն է, այլ ժողովուրդների հետ նրա պատմական կապերի ու բարեկամության բազմադարյան տարեգրությունը: Բացելով այդ պատմության էջերը, մենք ծանոթանում ենք մեր մոտ ու հեռու հարևանների պատմությանը, մեր կյանքում նրանց կատարած դերին: Հյուրընկալող ժողովուրդների օգնությամբ գաղութահայությունը կարողացավ ոչ միայն պահպանել իր ֆիզիկական գոյությունն ու պատիվը, այլև դարգացնել ու հարստացնել ազգային մշակույթը այնպիսի մոռյլ ժամանակներում, երբ հայրենիքում տիրում էր բարբարոս նվաճողների բռնապետությունը, երբ օրենքին փոխարինել էր կամայականությունը, երբ կործանվում էին երբեմնի բարձր մշակույթի հուշարձանները, աստիճանաբար արտաքսվում, ոչնչացվում, կամ ապագայնացվում էր ժողովուրդը: Ուստի հասկանալի է այն մեծ ու խրախուսելի ուշադրությունը, որը այժմ ցուցաբերվում է հայկական գաղթօջախների պատմության նկատմամբ¹:

¹ Վերջերս հրատարակվել են մի շարք ուսումնասիրություններ, պաշտպանվել դիսերտացիաներ: Դրանցից պետք է նշել Ա. Գ. Արրահամյանի, Վ. Ա. Միքայելյանի, Ս. Գասպարյանի, Վ. Գրիգորյանի, Պ. Կոկինոսի զրբերը, Հայաստանի և Ուկրաինայի պատմաբանների համատեղ սեսիանների զեկուցումները, որոնք հրատարակվել են «Исторические связи и дружба украинского и армянского народов» ժողովածուներում (1961 և 1965 թթ.):

Առանձին հետաքրքրություն են ներկայացնում հին Ռուսիայի, Ուկրաինայի և Ռուսաստանի հայ գաղթականները՝ մասնավորապես, Աստրախանի, Մոսկվայի, Պետերբուրգի և Նոր Նախիջևանի գաղութները, որոնք նշանակալի գեր են կատարել ինչպես տնտեսական, ու կուլտուրական, այնպես և բաղաժանան կյանքի ոլորտներում:

• • •

Հայերի կապերը հյուսիսի և մասնավորապես մերձվոլգյան երկրների հետ հաստատվել են դեռևս վաղ միջնադարում: Աղբյուրների վկայությամբ, Իթիլ (Վոլգա) գետը և խաղարների մայրաքաղաք Իթիլը հայտնի են եղել հայ վաճառականներին, որոնք ջրային ճանապարհով բարձրանում էին դեպի հյուսիս՝ սլավոնների, հին Ռուսիայի և բուլղարների երկիրը, ապա դեպի Ազով, Դոն, Ղրիմ, Դնեպր, դեպի Միջին Ասիա:

Ինչպես նշում է ակադեմիկոս Հ. Մանանդյանը, «արաբական աղբյուրների մի շարք վկայություններից պարզ երևում է, որ Անդրկովկասի հյուսիսային առևտուրը, որ սկսվել էր 8-րդ դարում, առավել զարգացման հասավ 9—10-րդ դդ.², Ա. Յակուբովսկին գտնում է, որ «Վոլգյան մայրուղին վաղուց ի վեր կապում էր Կովկասը Արևելյան Եվրոպայի և Միջին Ասիայի հետ»³, Այսպես, Վոլգայի հոսանքովոր դելտան իր Իթիլ քաղաքով Հյուսիսի լայն բացված դարբասն էր, ուր մուտք էին գործում հայ, արաբ և արևելցի այլ վաճառականներ, շփվում էին ռուս, բուլղար, խաղար բնակիչների հետ: Բսկ ռուս վաճառականները, ինչպես վկայում է XI դ. արաբական գրող Խորդադբեն, Դոնով և Վոլգայով իջնում էին Իթիլ, վճարում տասնորդ ու նավարկում Կասպից ծովով, ապա ուղտերով իրենց ապրանքները տանում մինչև Բաղդադ⁴: Վոլգյան ճանապարհով Իթիլ էին գնում ոչ միայն Հայաստանի, Վրաստանի ու Աղվանքի, այլև Կիլիկիայի հայերը⁵, անցնելով մեծ գետի միջին հոսանքը, դեպի բուլղարների մայրաքաղաքը՝ Մեծ Բուլգար: Ինչպես պարզել են գիտնականները, այնտեղ ստեղծվել և դարերով իր գոյությունը պահպանել է հայկական գաղութը, որի վկայությունն են նյութական կուլտուրայի հուշարձանները: Դեռևս Կարամզինը և Ս. Գլինկան հիշատակել են այն փաստը, որ Պետրոս 1-ին կայսրը կարգադրել էր 1712 թ. ատենադպիր (դյակ) Միխայիլովի նկարագրած և Մեծ Բուլգարի շրջանում գտնված հայ տապանաքարերի արձանագրությունները վերծանել, որի համար 1722 թ. Կաղան էր ուղարկվել հայազգի Իվան Վասիլևը⁶: Գիտնականներ Ս. Մ. Շպիլևսկու, Վ. Ֆ. Սմոլինի, Յու. Վ. Գոտիեի ուսումնասիրությունները XIX—XX դդ. և հատկապես պրոֆ. Ս. Պ. Սմիրնովի կատարած պեղումներն ու հետազոտությունները սլարոնցի հայկական նշանակալի գաղութի գոյության վաստը⁷:

² Я. А. Манандян, О торговле и городах Армении в связи с мировой торговлей древних времен, Ереван, 1954, էջ 199—200:

³ Л. Ю. Якубовский, Феодалное общество Средней Азии и его торговля с Восточной Европой в X—XV вв., Труды Института востоковедения, т. VI, ч. I, էջ 11:

⁴ В. О. Ключевский, Курс русской истории, ч. I, Петроград, 1918, էջ 147—148:

⁵ Г. Г. Микаелян, История Киликийского армянского государства, Ереван, 1952, էջ 368:

⁶ С. Глинка, Обзор истории Армении, т. II, Москва, 1832, էջ 231:

⁷ А. П. Смирнов, Волжские булгары, Москва, 1951.

Սմիրնովը և նրա նախորդները հայտնաբերել են XII—XIII դարերի հարյուրավոր գերեզմաններ ու տապանաքարեր, որոնց մի մասը հայկական է և կապված Կազանից մոտ 90 կմ. հեռավորության վրա գտնված երբեմնի դարգացած արհեստներով ու առևտրով հայտնի Մեծ Բուլղար քաղաքի պատմության հետ։ Այդ տապանաքարերից հնագույնները վերաբերում են XII դարին և դրանցից մեկը բերված ու դրված է Կազանի համալսարանի շքամուտքի մոտ⁸։ Հայկական տապանաքարերից հնագույնը (1121 թ.) գտնված է «Հունական պալատի» մոտ։ Գերեզմանների պեղումները, տապանաքարերի և այսպես կոչված Հունական պալատի ուսումնասիրությունները պրոֆ. Սմիրնովին լերել են այն եզրակացությանը, որ Մեծ Բուլղարում եղել է հայկական գաղութ, որն ունեցել է իր եկեղեցին, և որ «Հունական պալատը» հանդիսացել է հենց հայկական սրբատեղին⁹։

XIII—XIV դդ. թաթարական տիրապետության ժամանակաշրջանում իթիլն ու Մեծ Բուլղարը կորցնում են իրենց նշանակությունը և հայերի, ռուսների ու աշխարհի երեք ցամաքների մյուս ժողովուրդների հանդիպման ու ապրանքափոխանակության կենտրոն է դառնում Ոսկե Հորդայի մայրաքաղաք Սարայը (որը հիմնադրվել էր Բաթու խանի օրոք 1240-ական թվականներին), ապա նոր Սարայը՝ Սարայ-Բերկեն, որը կառուցվել էր Բերկե խանի օրոք (1257—1266 թթ.)։

Սարայ-Բերկեն XIV դարում ուներ 200 հազարից ավելի բնակիչ և խոշոր արհեստա-առևտրական կենտրոն էր։ Այնտեղ բնակվում էին Կովկասի ժողովուրդների բազմաթիվ ներկայացուցիչներ, այդ թվում նաև հայեր, որոնց լեկկթեմուրը տարել էր իր մայրաքաղաքը՝ Սամարկանդ¹⁰։ Ոսկե Հորդայի մայրաքաղաքում լինում էին ոչ միայն հայ վաճառականներ, այլև իշխաններ (Սմբատ սպարապետը, Խաչենի Հասան Զալալ իշխանը և ուրիշներ)։ Ղարսի և Դերբենտի վրայով Սարայ էր գնում Հեթումը¹¹։ Այս բոլորը հիմք են տալիս ենթադրելու, որ վոլգյան շրջաններում հայերը մշտական այցելուներ էին և շատերն այնտեղ անգամ բնակություն էին հաստատել։ XIII դարի վերջերին հավանաբար հայերի մասսայական տեղաշարժ է եղել դեպի Վոլգա, Ախսարայ, որտեղ նրանք ապրել են տասնյակ տարիներ։ XIV դարի 30-ական թվականներին Ախսարայից հազարավոր հայեր անցան Ղրիմ¹²։ Ուշադրավ է 1319 թ. Սարայում գրված մի հիշատակարան, որի հեղինակը գանգատվում է գրչի համար անբարենպաստ ցրտաշունչ եղանակից¹³։ «Մեծ և հզոր գետն իթիլ և ընդ հովանեւ սուրբ Աստվածածնին և Կենակիր սուրբ նշանին»։ Իթիլ էր կոչվում Վոլգայի գետաբերանի առաջին քաղաքը, որը, Շտիլկոյի արտահայտությամբ,

⁸ Տե՛ս Վ. Ոսկանյան և Վ. Գրիգորյան, Հայկական գաղթավայրերում, Հայկական ՍՍՌ ԳԱ «Տեղեկագիր», 1956, № 9, էջ 124։

⁹ А. П. Смирнов, *Указанная археологическая находка*, էջ 185—195։

¹⁰ Р. Клавихо, *Дневник путешествия ко двору Тимура в Самарканде в 1403—1406*, СПб., էջ 227։

¹¹ Տե՛ս Կիրակոս Գանձակեցի, էջ 301—305, 344, 350։ Տե՛ս նաև Զամչյան, *Հատոր Գ*, էջ 222, Греков и Якубовский, *Золотая Орда*, 1937, էջ 103, 2. Մանանդյան, *Քննական տեսություն հայ ժողովրդի պատմության*, հատ. Գ, էջ 220, Г. Г. Микаелян, *Указанная археологическая находка*, էջ 363, Վ. Ա. Հակոբյան, *Մանր ժամանակագրություններ*, հ. Ա, էջ 81, 346—347, 365։

¹² *Մատենադարանի ձեռագիր* № 7442, թ. 280—283ա։

¹³ Ի. Ս. Խաչիկյան, *ԺԴ դարի հայերեն հիշատակարաններ*, Երևան, 1950, էջ 155—156։

Աստրախանի նախահայրն էր¹⁴։ Վոլգան և վոլգյան քաղաքները՝ Իթիլը, Հաշտարխանը, Սարայը, ապա և Ազովը հաճախ են հիշատակվում աղբյուրներում։ Աստրախանում և հարևան քաղաքներում հայերի բնակության մասին է վկայում նաև ռուս տարեգրությունը։ Այսպես, 1346 թ. ուժեղ համաճարակ է եղել Սարայում, Աստրախանում, որտեղ մեռել են «Մուսուլմաններ, թաթարներ և հայեր»¹⁵։ Գրիգոր քահանան իր 1341 թվականի հիշատակարանում նշում է. «Գրեցաւ զիրքս... ի քաղաքս յԱղախս, առ դրան սուրբ Լուսավորչին...»¹⁶։

Զափածո հիշատակարանը Ազովն անվանում է աննման քաղաք¹⁷։ Այն փաստը, որ Աֆենտի դուստր նաև խաթունը Ազովում գնել է ավետարան¹⁸, հիմք է տալիս խոսելու Ազովում հայ բնակչության առկայության մասին, Ազովի, Կաֆայի և վոլգյան քաղաքների հայերի միջև կապերի առկայության մասին։ Վոլգայով ու Հաշտարխանով կապ էր պահպանվում Արևելքի հետ՝ ընդհուպ մինչև Պարսկաստան ու Հնդկաստան¹⁹։ Վոլգա-դոնյան առևտրում մասնակցում էին նաև ռուսներ, որոնք աշխույժ գործարքներ էին կատարում Նիժնի Նովգորոդում ու Կազանում²⁰։ Ակադ. Մ. Ն. Տիխոմիրովը գտնում է, որ XIV դարից սկսվում է նաև Մոսկվայի մասնակցությունը արևելյան լայն առևտրին²¹, թեպետ ճանապարհներն անապահով էին ինչպես ռուսների, այնպես և այլազգիների համար։ Ինչպես հաղորդում է տարեգիրը, 1368 թ. ուշկունիկները կոտորել են «բուսուրման» և հայ վաճառականներին և թալանել նրանց անթիվ ապրանքները²²։ Մոսկվայի մեծացմանն ու հզորացմանը զուգընթաց հաճախակի է դառնում հայերի այցելությունները՝ ինչպես Աստրախանից, Ազովից, այնպես էլ Ղրիմից և Կենտրոնական Վրոպայից (լեհ-ուկրաինական ու մոլդավական հայ գաղութներից)։ Ոսկե Հորդան թեպետ մի կողմից խանգարում էր տնտեսության, առևտրի ու արհեստների զարգացմանը, մյուս կողմից հնարավոր էր դարձնում շփումները և առևտրական կապերը։ Այսպես, հունիսին, Հովհաննես Կարապետի տոնին, Կազանում տոնավաճառի էին հավաքվում արևելյան, ռուսական, այդ թվում մոսկովյան վաճառականները²³։ Ակադ. Տիխոմիրովը գտնում է, որ մոսկովյան առևտրական գործարքներում հայ վաճառականների մասնակցությունը, ըստ երևույթին, պակաս կարևոր չի եղել դատելով մի քանի ակնարկներից, որոնց իմաստը պարզ է դառնում, երբ մենք ընդունում ենք նկատելի հայկական տարրի առկայությունը մոսկովյան բնակչության մեջ²⁴։ Տիխոմիրովը կարծում է, որ Մոսկվայում արդեն XV դարում կար հայկական գաղութ, որը սկիզբ էր առել դեռևս XIV դարից։ Երբ 1390 թ.

¹⁴ А. Штылко, Иллюстрированная Астрахань, Саратов, 1898, էջ 2։

¹⁵ ПСРЛ, т. XXV, էջ 175։

¹⁶ Լ. Ս. Խաչիկյան, Դժ դարի հիշատակարանները, Երևան, 1950, էջ 329։

¹⁷ «Ի ծովս անցա այս անսահման ի քաղաքն ելա ի ֆռանկ Կաֆան յԱղախ եկի այս անսահման գիրքս գրեցի դայս զՎարդան», Նույն տեղում։

¹⁸ Նույն տեղում, էջ 330։

¹⁹ М. М. Ковалевский, К ранней истории Азова, Харьков, 1902, էջ 115—126։

²⁰ М. Н. Тихомиров, Новый памятник Московской политической литературы XVI в., էջ 111—112։

²¹ М. Н. Тихомиров, Древняя Москва, Москва, 1947, էջ 100։

²² ПСРЛ, т. XIX, էջ 104։

²³ М. Н. Тихомиров, Древняя Москва, էջ 98—99, Հմտ. ПСРЛ, т. XIX, էջ 23 և 229։

²⁴ Նույն տեղում, էջ 142—143։

այրվեց Մոսկվայի պոսադը (Կրեմլի շուրջը ստեղծված արհեստավորա-առևտրական թաղամասը), պարզվեց, որ հրդեհն սկսվել էր հայազգի Աբրահամի տնից²⁵։ Հայերի առկայությունն է վկայում նաև այն փաստը, որ միտրոպոլիտ Կիպրիանը կատաղի հակառակորդ լինելով «հայկական աղանդին», դժգոհություն է արտահայտում ռուսների ու հայերի միջև ամուսնական ու բարեկամական կապեր հաստատելու կապակցությամբ և կարգադրում է չթողնել հայերին ռուսական եկեղեցիներում աղոթելու, սրբի ու տոնի օրերին նրանց մոտ չթողնել, սեր ու բարեկամություն չհաստատել, քանի որ նրանք իբր ուղղափառությունից հրաժարվել են։ Միտրոպոլիտների խստիվ ներշնչումների հետևում պարզ նկատվում է իրական դրությունը, — գրում է Մ. Ն. Տիխոմիրովը, — շարքային ուսման մարդիկ մեծ տարբերություն չէին տեսնում ուղղափառ և հայկական դավանանքների միջև, հաճույքով շփվում էին ու խնջույքներ ու բարեկամություն անում, ամուսնանում հայերի հետ, թողնում իրենց եկեղեցիները²⁶։ Այլ դեպքում անհրաժեշտ չէր լինի եպիսկոպոսության կարգելիս պարտավորություն դնել նորրոտիկ հոգևորականի վրա հայերին ուղղափառ ձևով չափակել, խնամություն և եղբայրություն նրանց հետ շունենալ²⁷։ Եվ այդ հասկանալի էր, ինչպես ճիշտ նկատում է Տիխոմիրովը՝ «Աբրահամի արևելքի քաղաքներում և ներքին Պովոլոժիեում ռուս վաճառականների համար հայերը դավանանքով ավելի մոտ էին, և այդ բերում էր խնամության ու եղբայրության»²⁸։ Չնայած տնտեսական անհրաժեշտությանը, առևտուրը հանդիպում էր մեծ դժվարությունների, արհեստավորների և վաճառականների կյանքն ու գույքը մշտական վտանգի տակ էին, ինչպես հաղորդում են տարեգրությունները, թալանն ու կողոպուտը սովորական հրեույթ էր։ 1378 թ. Արապշահը ջարդում է ռուս հոստերին (խոշոր վաճառականներ) և թալանում նրանց ողջ հարստությունը²⁹։ նույնը տեղի է ունենում նաև Կադանում³⁰։ Բայց անգամ այդ պայմաններում նորանոր առիթներ էին ստեղծվում հայ-ռուսական հանդիպումների համար։ Մի քանի տարի հետո, 1395 թ. Լենկթեմուրը Դերբենտի և Թերեքի վրայով, ավերով ու ավարով հասավ Հաջի Թարխան-Աստրախան, ապա կողոպտեց ու ավերեց Սարայը, Ազովը, Թեոդոսիան³¹։ Թվում էր թե կյանքը մեղմում էր այդ քաղաքներում։ Բարբարոն, որ դրանից հետո եղել էր Աստրախանում, նշում է, որ քաղաքը գրեթե բոլորովին քանդված էր³², մինչդեռ առաջ այն հայտնի էր իր հարստությամբ և մեծությամբ։ Բայց XV դարում այլևս ոչինչ չէր կարող կանգնեցնել առևտրի չարագաման անխուսափելի պրոցեսը։ Մոսկվայից վաճառականները մեկնում են Կաֆա, Ցարգրադ, Թոքուտ, իսկ այդտեղից Մոսկվա էին գնում հայերը³³։ Աստրախանը Լենկթեմուրից հետո, թեպետ

25 Иван Забелин, История города Москвы, ч. I, Москва, 1902, էջ 98.

26 М. Н. Тихомиров, Древняя Москва, էջ 142—143.

27 Նույն տեղում, էջ 143։ Հմմտ. Русская историческая библиотека (РИБ), т. VI, էջ 454.

28 Նույն տեղում, էջ 143.

29 ПСРЛ, т. X, էջ 24.

30 ПСРЛ, т. VI, էջ 188.

31 В. Г. Тизенгаузен, Сборник материалов, относящихся к истории Золотой Орды, ч. II, СПб, 1841, էջ 118—121.

32 В. Семенов, Библиотека иностранных писателей о России, т. I, СПб, 1836, էջ 56.

33 Б. Д. Греков, Крестьяне на Руси, Москва, 1946, էջ 550.

դառնում է ղփչաղ խաների մայրաքաղաք, կորցնում է իր երբեմնի տեղը, բայց հայ գաղութների կապերը Ռուսաստանի հետ շարունակվում են։ Սուլթանը նշում է, որ Կաֆայից Մոսկվա էին գալիս հայերը։ Հորդայից վաճառականները առաջվա նման գալիս էին դեսպանների հետ. մի անգամ եկել էին 3200 վաճառական. պարզ է, դրանց մեջ քիչ չէին նաև հայերը³⁴։ «Մոսկվայի առևտուրը վոլգյան քաղաքների հետ առանձնապես ուժեղանում է Կազանի խանության ստեղծումից հետո», — գրում է Տիխոմիրովը³⁵։

Հայերը XV դարի երկրորդ կեսին արդեն լավ գիտեին Մոսկվայի և Մոսկովյան պետության մասին, երևի նաև նրա տնտեսական ու ռազմական ուժի մասին։ Այդ է վկայում թեկուզ Մոսկվայի հիշատակությունը ժամանակի մի պոեմում, որի 12 տարբերակների պահպանվում են Մատենադարանում։ Մոսկվյան համեմատվում է Հռոմի ու Կոստանդնուպոլսի հետ³⁶։ Այդ ժամանակներում Կազանն ու Աստրախանը տարածնցիկ առևտրի կարևոր կետեր էին, որոնց դերի մասին խոսում էին բոլոր ռուս և եվրոպական ճանապարհորդները՝ Բաբբարոն, Կոնտարինին, Աֆանասի Նիկիտինը, Վ. Պանինը, Մարկո Ռուսոն և ուրիշներ, որոնց հետ լինում էին բազմաթիվ վաճառականներ, այդ թվում և հայեր։ Երբ 1525 թ. Կազանի տոնավաճառը դադարեց, ինչպես նշում է Մոսկվայում գտնվող Վիեննայի արքունի դեսպան Հերբերտսենը, «սկսվեց թանկություն, զգացվեց բազմաթիվ ապրանքների պակաս, ապրանքներ, որոնք բերվում էին Վոլգայով Աստրախանից, ինչպես և Պարսկաստանից ու Հայաստանից»³⁷։

Պավել Իովին նշում է, որ «Միդիացիները, հայերն ու սլավոնները գալիս էին Աստրախան՝ փառավոր տոնավաճառի»³⁸։ Գրիգոր Լուսիկովը ռուս արքունիքին հղած իր 1673 թ. նամակում նշում է. «100 տարուց ավելի է, որ հայերն ապրում են Աստրախանում՝ պոսադում՝ ըստ ցարի հրամանի»³⁹։ Նման վկայություններն օգնում են մեզ հետամուտ լինել հայ գաղթավայրերի ստեղծմանը, թեպետ այդ մասին չեն պահպանվել ամբողջական ու մանրամասն տեղեկություններ։ Այս տեսակետից հետաքրքիր է ամեն մի հիշատակություն, ամեն մի պատահիկ։ Այն, որ Աստրախանում եղել է բավական մեծ հայ գաղութ դեռևս նախառուսական շրջանում, հաստատվում է թեկուզ հետևյալ փաստով։ Միմբիրսկի մարզում կա մի բարձունք՝ Армянская крутая гора, որն այդպես է կոչվում որպես հիշատակ Աստրախանի հայերի խոռվության, երբ նրանք այնտեղ ամրություններ էին կառուցել (մոտ 500 սաժեն շրջագծով)⁴⁰։ Քրիստա-

³⁴ С. М. Соловьев, История России, книга I, էջ 1535։

³⁵ М. Н. Тихомиров, Древняя Москва, էջ 98—99։

³⁶ Տարբերակներից մեկում փնացուն ասում է, որ իր հարսնացուն արժանի է Ստամբուլից ու Վենետիկից ավելին՝ Մոսկվային։ Տես Ա. Արրահամյան, Ռուս ժողովուրդը և Մոսկվյան հայ մատենագրության միջ, Պետական համալսարանի գիտական աշխատություններ, հ. 27, էջ 209—235։ Ա. Մնացականյան, Մոսկվյան միջնադարյան հայկական մի պոեմում, «Տեղեկագիր», 1948, № 3, էջ 50։

³⁷ С. М. Соловьев, История России, книга I, էջ 1693։

³⁸ Посольство от Василия Ивановича Великого князя Московского к папе Клименту VII. Семенов В., Библиотека иностранных писателей..., т. I, էջ 35։

³⁹ Центральный государственный архив древних актов (Կարճ՝ ЦГАДА), ф. 100 (Сношения России с Арменией), 1672—1673, д. I, л. 340—341։

⁴⁰ Географический словарь Российского государства, ч. I, Москва, 1801, էջ 200։

փոր Բիրոն, որ 1570 թ. եղել էր Աստրախանում, Կազանից Աստրախան գնալիս տեսել էր տաշած քարերով կառուցված մի բերդ և մի տապանաքար՝ նետու աղեղով զինված մի հեծյալի քանդակով և հայատառ արձանագրությամբ⁴¹։ Նման կառույցի, ինչպես և խռովության համար պետք է, որ հայերը բավական մեծ թիվ կազմեին։ XV դարում և XVI դարի առաջին կեսին հայերի որոշ հոսանք է եղել դեպի Մոսկվա և Կազան։ Ինչպես կարդում ենք «Կազանի պատմության» մեջ, 1550—52 թթ., երբ սուր պայքար էր գնում Մոսկովյան պետության և Կազանի խանության միջև, Կազանում ի թիվս արևելյան վաճառականների կային բավական թվով հայեր, որոնց մեջ նաև փորձված թնդանոթածիգներ։ Թաթարները սրանց ստիպում էին կրակ բացել ռուսների վրա, իսկ նրանք հրաժարվում էին։ Թնդանոթներին կապված, մահվան սպառնալիքի տակ հայերն ստիպված էին կրակել, բայց նրանք կրակում էին այնպես, որ արկերը կամ չհասնեին ռուսներին, կամ անցնեին նրանց գլխի վրայով⁴²։ Կազանի հայ գաղութի գոյության մասին են խոսում մինչև այժմ հիշվող «Հայկական փողոցը», «Հայկական հրապարակը», «Հայկական գերեզմանատունը», որտեղ մնացել է մոտ մեկ մետր շառավիղ ունեցող հսկա քարե ժամացույցը⁴³։ Երբ 1552 թ. Կազանը վերցնելուց հետո Իվան IV զորքով վերադառնում էր Մոսկվա, նրան դիմավորողների մեջ կային նաև հայեր։ Նույն Քրիստափոր Բիրոն ճանապարհորդելիս հանդիպել է մի շարք հայկական գյուղերի (Նիզավոյ-Նիզաբադ), որտեղ հայերն արտադրում ու մշակում էին մետաքս։ Բիրոն Դերբենտում ոմն Հակոբից գնել է 35 տոննա ջրատարողության մի նավ (բուս)⁴⁴։ Որն այնտեղ էր բերվել Աստրախանից։ Ինչպես նշված է արտաքին առևտրի մասին վիճակագրական տվյալներում, հայերը առևտուր էին անում Աստրախանում նաև քաղաքը ռուսների կողմից նվաճվելուց հետո (1556)⁴⁵։

Այս և նման փաստերը խոսում են Կազանում, Աստրախանում և Մոսկվայում հայկական բնակչության գոյության մասին, ընդ որում ոչ միայն առևտրականներից, այլև արհեստավորներից կազմված գաղութների գոյության մասին։

Ռուսաստանի վոլգյան քաղաքների և մասնավորապես հայկական գաղթավայրերի աճն ու ձևավորումը կապարվում էր Մոսկովյան պետության ուժեղացմանը զուգընթաց, Կազանի ապա նաև Աստրախանի նվաճումից հետո՝ XVI դարի երկրորդ կեսից, թեպետ թաթարական և թուրքական ասպատակությունները էլի ու էլի խանգարում էին խաղաղ քաղաքային կյանքի զարգացմանը։ Այսպես, 1569 թ. սուլթան Սելիմը Կաֆայի փաշա Կասիմի և Ղրիմի Դեվլեթ Գիրեյ խանի ղեկավարությամբ 70 հազարանոց բանակ ուղարկեց Աստրախանը նվաճելու համար, լավ հասկանալով, որ «ով տիրեց Աստրախանին, Վոլգային ու Յաիկին, նրանը կլինի ողջ Նոդայի Հորդան»⁴⁶։ Դոնի և Վոլգայի միջև ջրանցքը փորելու և նավերը Վոլգա անցկացնելու Կասիմի ֆանտաստիկ պլանները չիրականացվեցին։ Ինչպես հայտնի է, Դոնի և Վոլգայի ավազանները ջրանցքով

41 Չ. Հակոբյան, Ուղեգրություններ, հ. Ա, Երևան, 1932, էջ 433.

42 Казанская история, Москва, 1954, էջ 154.

43 Կազանի հայ գաղութի գոյությունը նշել է Ն. Ֆ. Վիսոցկին դեռևս 1880 թ.։ Տես Վ. Ոսկանյան, Վ. Գրիգորյան, Հայ գաղթավայրերում, «Տեղեկագիր», 1956, № 9.

44 Չ. Հակոբյան, Ուղեգրություններ, հ. Ա., ԺԴ—ԺԶ գ., Երևան, 1932, էջ 442—443.

45 М. Рыбушкин, Записки об Астрахани, էջ 56.

46 С. М. Соловьев, История России, книга II, էջ 620.

միացնելու պլանը առաջ քաշվեց նաև Պետրոս 1-ի օրոք՝ 1696 թ., որը նույնպես չկենսագործվեց⁴⁷։ Հնարավոր չեղավ նավերի փոխադրումը նաև ցամաքով։ Աստրախանի կայազորի և նոր ուղարկված զորքերի ուժերով իշխան Սիրերըյանին ձախողեց թուրքական պլաները, Կասիմը ստիպված էր հրկիզել իր կառուցած փայտաշեն քաղաքը և հեռանալ⁴⁸։ Դժգոհ անհաջողությունից, սուլթանը Ղրիմի Դեվլեթ Գիրեյ խանին 70 հազար զորքով ուղարկում է Մոսկվա, մինչև վերջին տունը հրկիզում քաղաքը՝ ետ պահանջելով Աստրախանն ու Կազանը։ Ռուսաստանի հարավային սահմանների վրա հարձակումներ են կատարում թուրքիայի վասալները՝ Կովկասի ֆեոդալները։ Ինչպես նշում է Կ. Մարքսը, Մոսկովյան պետության դեմ «ղենք վերցրին նրա շրջապատի թշնամիները՝ լեհերը, շվեդները, Աստրախանի թաթարները, թուրքերը։ Մոսկվան նորից հրկիզվեց թաթարների կողմից և շատ մոսկվացիներ ընկան պատերազմում»⁴⁹։ Չնայած 25-ամյա Լիվոնյան պատերազմի (1558—1583) առաջացրած դժվարություններին, Ռուսաստանը ոչ միայն ետ էր մղում թուրք-թաթարական ագրեսիան, այլև ամրապնդում էր Պովոլժիեի և Հարավի քաղաքները։ 1558—59 թթ. Աստրախանը շրջապատվում է փայտյա պարսպով, հողաթմբերով և խրամատներով, որով և սկսվում է նոր Աստրախանի շինարարությունը։ Ստեղծվում էին նոր քաղաք-բերդեր (Վորոնեժը՝ 1586 թ., Կուրսկը՝ 1587 թ., Ցարիցինը՝ 1589 թ., Սարատովը՝ 1590 թ., Ելեցը՝ 1592 թ., Բելգորոդը՝ 1595 թ., Օսկոլը՝ 1598 թ., Վալույկին՝ 1599 թ., Ցարև-Բորիսովը՝ 1600 թ.)։ Պետք է ասել, որ XVI դարի վերջում Ռուսաստանի միջազգային դրությունը բարելավվեց ընդհանրապես, և մասնավորապես Մերձավոր արևելքում, որտեղ գրեթե անընդմեջ պատերազմներ էին գնում թուրքիայի և Պարսկաստանի միջև։ Շահ-Աբասը Բորիս Գոգունովից օգնություն էր խնդրում, խոստանալով Ռուսաստանին դիջել ոչ միայն Հյուսիսային Կովկասը, այլև Դերբենտն ու Բաքուն, թեպետ մինչ այդ հավակնություն ուներ անգամ Աստրախանի նկատմամբ։ Այժմ ռուս-պարսկական հարաբերությունները կարծես նորմալ էին։ Աշխուժացել էր առևտուրը Պարսկաստանի հետ, հայ վաճառականները գնում էին ոչ միայն Աստրախան, այլև հասնում մինչև Մոսկվա, որտեղ արդեն XVI դարի վերջին հիշատակվում է Հայկական իջևանի (Армянский двор) գոյությունը։ Ռուս դեսպան Գրիգորի Վասիլչիկովը Պարսկաստանում բանակցություններ վարելիս ի միջի այլոց նշում էր, որ «Գիլանի թագավորի առևտրական մարդիկ մշտապես ապրում են մեր մեծ թագավորի հայրենիք Աստրախանում»⁵⁰։ Բայց XVII դարի սկզբին հայերի թիվը փոքր է եղել՝ ընդամենը 11 ընտանիք⁵¹, և հիմնական դերը կատարել են եկվոր հայ վաճառականները։ Աստրախանի, ուրեմն և հայ գաղութի դրությունը ծանրացավ լեհ-շվեդական ինտերվենցիայի տարիներին (1605—1612 թթ.), երբ Շահ-Աբասը ոչ միայն հրաժարվեց Անդրկովկա-

47 Նույն տեղում, էջ 1158։

48 Նույն տեղում, էջ 220—222։ Տե՛ս նաև К а р а м з и н, История государства Российского, т. IX, СПб, 1903, էջ 61—64։

49 Архив К. Маркса и Ф. Энгельса, т. VIII, էջ 165։

50 Н. И. Веселовский, Памятники дипломатических и торговых отношений Московской Руси с Персией, т. I, СПб, 1890, էջ 28։

51 Նույն տեղում, հատ. 3, էջ 110—111 և 123—124։ Տե՛ս նաև Ա. Գ. Աբրահամյան, Համառոտ ուրվագծեր հայ գաղթ. պատմության, հ. 1, էջ 373։

սի հյուսիսային մարզերն աղատելու խոստումներից, այլև թշնամական դիրք
րոնեց՝ ցանկանալով ընդլայնել պետության սահմանները և ամրապնդել իր
տիրապետությունը Հյուսիսային Կովկասում: Կեղծ Դիմիտրիի զինակից Իվան
Ջարուցկին և կիներ՝ Մարինա Մնիշեկը ապաստան ընտրեցին Աստրախանը և
Բանակցություններ սկսեցին Շահ-Աբասի հետ՝ Ռուսաստանը մասնատելու
նպատակով: Շահի դեսպանը փորձեց սպանել վրացական թագավորի որդուն՝
Պանկրատին, որը Հռոմի պապի պատվիրակի հետ Մոսկվա էր մեկնում: Մի
կողմից լեհ-շվեդական ինտերվենցիան, մյուս կողմից հրով ու սրով գյուղա-
ցիական շարժումների ձեռնարկը Վասիլի Շույսկու կողմից՝ անապատ էին դարձ-
րել Աստրախանը և ողջ Պովոլոժիեն: Դրությունը փոխվեց լեհ-շվեդական ինտեր-
վենտների ջախջախումից հետո միայն: Շահ-Աբասը հասկացավ, որ Խուրբիայի
դեմ պատերազմի պայմաններում ձեռնառու չէր թշնամական քաղաքականու-
թյունը Ռուսաստանի նկատմամբ և որ ռուս-պարսկական առևտուրը կենսա-
կանորեն անհրաժեշտ է իր երկրի շահերի համար. 1615—1618 թթ. նա վրոխեց
իր վերաբերմունքը Ռուսաստանի հանդեպ: Ինչպես գրում է Վ. Ի. Լենինը «Կա-
ավելի մեծ ուժ, քան ուզածդ թշնամական պետությունների կամ դասակար-
գերի ցանկությունը, կամքը և որոշումը: Դա համաշխարհային ընդհանուր տըն-
տեսական հարաբերություններն են...»⁵²:

XVII դարի երկրորդ տասնամյակի վերջերին տնտեսական կյանքի վերա-
կանգնման և ռուս-պարսկական առևտրական կապերի վերահաստատման հետ
մեկտեղ վերականգնվել սկսեց նաև հայ գաղութը:

Հայ, հնդիկ, պարսիկ վաճառականները նորից շարժվում էին դեպի Աստ-
րախան և բնակություն հաստատում: Աստրախանի պատմաբան Ռիբուշկինը
գրում է, որ այդ ժամանակ «Ռուսական կառավարությունը, ձգտելով օգուտ
քաղել... նրանց թույլ է տալիս բնակվել Աստրախանում՝ այսպես կոչված
Սաղոմայա Թուրգայի վրա, որտեղ այժմ գտնվում է Վոզդվիժենսկայա եկեղե-
ցին և Հայկական տաճարը: Սակայն Աստրախանում եղող ասիացիներից առա-
վելապես հայերն օգտվեցին տրված աղատությունից, և գտնելով իրենց համար
վստահելի ապաստան ու հովանավորություն, նշանակալիորեն բազմացան»⁵³:
Հայերը առաջին օտարերկրացիներից էին, որոնք XVII դարի սկզբին (1625 թ.)
արդեն ունեին իրենց հատուկ առևտրական հրապարակը (Торговая площадь),
առևտրական տները (ռուսականը ստեղծվել է 1663—1665 թթ.) և գերեզմանա-
տունը⁵⁴: Աստրախանցի հայերը, ինչպես և պարսկահայտակ հայերն ու ադրբե-
ջանցիները առևտրական կապեր էին հաստատում վոլգյան քաղաքների և

52 В. И. Ленин, Сочинения, изд. IV, т. 33, էջ 123:

53 Рыбушкин, նշված երկր., էջ 18: Տես նաև Н. Я. Марр, Избранные работы, т. 5, էջ 102: Նշենք, որ Մոսկի խոսքերը սխալ հասկանալով, բժանք գրել են, իրր 1619 թ. Աստրախանի հայերը ռուսական պետության հետ առևտրական պայմանագիր էին կնքել: Դա պարզապես խլորիմացություն է: Իհարկե, հայերը չէին կարող առանց արտոնագրի բնակվել Աստրախանում կամ առևտուր անել ռուսական քաղաքների հետ, բայց չի կարելի առանձին արտոնագրերը չփոթել ռուս-հայկական առևտրական պայմանագրերի հետ, որոնք կնքվել են 1667—1673 թթ.:

54 А. Олейни, Описание путешествия в Московию..., СПб, 1906, էջ 455: Տես նաև Ключаревская летопись, Астрахань, 1887, էջ 19:

մոսկվացիների հետ: 1626 թ. չորս հայ և երկու պարսիկ վաճառականներ մեծաքանակ ապրանքով Աստրախանից Մոսկվա են գնում⁵⁵:

1632 թ. Ղրիմից իր ռուս կնոջ՝ Օկսինիայի հետ Մոսկվա է գնում և մշտական բնակություն հաստատում Սարգիս Օվանեսովը՝ ծառայելով դեսպանական ատյանում: Նրա մահից հետո կնոջը նշանակվում է պետական թոշակ: Սարգիս Օվանեսովի ցուցմունքից երևում է, որ Մոսկվայում ապրում էին նաև այլ հայեր, որոնց տրվում էր ավելի մեծ թոշակ, քան իրեն⁵⁶:

1640 թ. Աստրախանում սրղեն կառուցվում է հայկական եկեղեցի, որն անմիջականորեն կապված էր էջմիածնի հետ: Կան բոլոր հիմքերը ենթադրելու, որ հայերը մասնակցում էին նաև քաղաքական կյանքին: Պատահական չէր նրանց մտերմությունը Օլ'տրիի և Հոլշտինիայի դեսպանության ղեկավար Ստտո Բրուգեմանի հետ, ինչպես և դեսպանության հետ երկու հայերի ուղեվորությունը: Աստրախանցի հայերը մասնակցել են 1642 թ. կազմակերպված ազգական արշավանքին, մի հանգամանք, որն ընդգծվում է աստրախանցի Թավաքալյանի խնդրագրում որպես ծառայություն ռուս արքունիքին (1647 թ.)⁵⁷: Հիշենք նաև, որ մեծահարուստ վաճառական Թավաքալյանին տրված էր արոտոնագիր, որից օգտվելով նա Մոսկվա էր տարել 2500 ու ապրանք: Թավաքալյանի որդին ծառայում էր Մոսկվայում՝ որպես դեսպանական ատյանի թարգման: Հայ թարգմանիչներ (толмачи) հանդիպում են նաև Աստրախանում:

1654 թ. Պարսկաստանից փախչում և Աստրախանում ապաստան է գտնում ջուղայեցի Վասիլի Դաուդովը, որը հետո մեկնում է Մոսկվա և շուրջ 50 տարի ծառայում դեսպանական ատյանում: Բոլոր փաստերը խոսում են այն մասին, որ Ռուսաստանում բարյացակամ վերաբերմունք կար հայերի և ընդհանրապես Պարսկաստանից եկող վաճառականների նկատմամբ⁵⁸: 1659 թ. տոմաշի պաշտոնի է նշանակվում աստրախանցի հայ Վասիլի Իվանովը, որը շարունակում է իր ծառայությունը մինչև 70-ական թվականները⁵⁹: 1660-ական թվականներին նկատելիորեն ավելի շատ են հանդիպում հայերի տնունները Մոսկվային ու Աստրախանին վերաբերող գործերում (Մարտին Նազարով⁶⁰, Վասիլի Իվանով⁶¹ և ուրիշներ): 1673 թ. մայիսի 20-ի «Ուկազում» մենք իմանում ենք. «Մեր թաղավորական մեծության հրամանագրով Աստրախանում կառուցված են Դիլանի, բուխարական ու հնդկական իջևաններ (дворы) և հայկական թաղամաս (Армянская слобода), և այն օտարերկրացիները, որ խնդրել են հավերժական հպատակության տակ վերցնել իրենց՝ կանանց ու երեխաների հետ, դրանք՝ 8 հայեր, 16 գիլանցիներ, 18 բուխարացիներ, 12 հնդիկներ, ընդամենը 77 մարդ՝ երգման են բերվել»⁶²:

Ռուսաստանից ինչ-որ հանձնարարությամբ Պարսկաստան է ուղարկվում

55 ПГАДА, ф. СРА, 1626, дело 6/н, л. 1—2.

56 Նույն տեղում, 1632, թ. 1—14:

57 Նույն տեղում, 1647, թ. 1—5:

58 Տես Վ. Ոսկանյան, Հայ-ռուսական հարաբերությունները 17-րդ դ., ԳԱ «Տեղեկագիր», 1943, № 1, Տես Акты исторические, т. III, էջ 134:

59 Архив Ленинградского отделения Института истории АН СССР (հետազայում կարճ՝ АЛОИИ), ф. Астраханской приказной палаты (կարճ՝ АПП), д. 5398, л. 1—3.

60 Նույն տեղում, № 5080:

61 Նույն տեղում, № 5551:

62 Նույն տեղում, № 6080:

աստրախանցի Աթանաս Իվանովը (Афонка Иванов): «Հեռավոր ծառայության և շատ աշխատանքի համար» ցարական հրամանագրով պահանջվում էր ետ վերադարձնել նրանից գանձված հարկը, որպեսզի նա իր հայրենակիցների աչքում «վիրավորանք կրած չերևա»⁶³։ Սակայն միշտ չէ, որ հնարավոր է լինում պարզել այդ մարդկանց դբադմունքը, կատարած հանձնարարության բովանդակությունը, մշտական բնակավայրը։

Աստրախանի հայերը հայտնի էին նաև որպես լավ արհեստավորներ, որոնք իրենց արտադրական հմտություններով ու փորձով կարևոր ծառայություն էին մատուցում երիտասարդ ոռոսական քաղաքին։ Հետաքրքրական է այն փաստը, որ հայերը, բացի իրենց ավանդական արհեստներից, զարգացնում են նաև նոր մասնագիտություններ։ Նրբ Գուլովինը Աստրախանից պահանջեց առագաստային գործի վարպետներ, կոնցլերին պատասխանեցին, որ այդ վարպետները բոլորը թուրքեր ու հայեր են, որոնք Մոսկվա փոխադրվել չեն ուղևորվում⁶⁴։ Առկապես նշանակություն էր տրվում հում մետաքսի արտադրությանը, մի ապրանք, որը հետաքրքրում էր պետությանը։ Զուլաշների մոտ հում մետաքսը անվանվում էր «հայկական մետաքս»⁶⁵, քանի որ նրա ներմուծողներն ու մշակողները մեծ մասամբ հայեր էին։ 1658 թ. արքունի պահանջով Աստրախանից Մոսկվա է ուղարկվում հում մետաքս, «որն Աստրախանում արտադրել էին «տառերկրացիներն ու հայերը»⁶⁶։ Սև խավիարը կամ «իկրան» ոռոսական ուղբյուրներում հաճախ անվանվում է «հայկական իկրա»⁶⁷։ Բելը իր ուղեգրության մեջ հիշատակում է, որ «Ուլուգի սուկ որսում են օսետր և բելուգա ու պատրաստում հայկական իկրա»⁶⁸։ Աստրախանի հայերը զբաղվում էին նաև խաղողագործությամբ և դինեգործությամբ, քանի որ այդ պահանջվում էր արքունիքի համար։ 1652 թ. Ալեքսեյ Միխայլովիչ ցարը կարգադրել է Աստրախանի վոյեվոդներին փորձի համար խաղողից դինի արտադրել⁶⁹։ 1659 թ. Մոսկվայից Աստրախան ուղարկվեց Ալեքսեյ ցարի հրամանը՝ թույլատրել աստրախանցի հայ Բվանեսին, որը ցարական արքունիքին բարձրորակ խաղող (виноград доброй) էր մատակարարում, իր կարիքների համար թողած խաղողը վաճառել առանց հարկ վճարելու⁷⁰։ Աստրախանցի հայերի մեջ մենք հանդիպում ենք սաֆյանային գործի վարպետներ Մարտին Մարտյասովին⁷¹ (որը մեծ դեր է կատարել Ռուսաստանում այդ արհեստի զարգացման գործում) և Փերբեիմ Բարխուդարովին⁷², ինչպես և առագաստագործի, խավիար պատրաստողի, մետաքսագործի և այլ մասնագիտության մարդկանց, որոնց թիվը

63 Նույն տեղում, № 7530, թ. 5։ Նմանօրինակ փաստաթղթեր հայերի մասին կան նաև այլ գործերում՝ տես № 7001 (Շահիր Իվանիսով, Մելեչկո Ալյասով), № 7010 (Վասիլ Ասագուլով), № 7438 (Մարտին Նադարով), № 7548 (Ալյոշա Դրուդինցով) և այլն։

64 Письма и бумаги Петра Великого, т. III, էջ 1065։

65 Н. Я. Марр, Избранные работы, т. 5, էջ 192։

66 С. М. Соловьев, указ. соч., книга III, էջ 697։

67 Описание Московии при реляциях Корнейя. В. Семенов, Сказания..., т. II, стр. 19։

68 «Бельевы путешествия чрез Россию в разные азиатские земли», СПб, 1776, стр. 262։

69 Астраханские ведомости, 1851, № 2։

70 АЛОИИ, ф. АПП, № 336, л. 1—2։

71 Նույն տեղում, № 5429։

72 Նույն տեղում, № 7153։

մեծանում է 1660-ական թվականներին, Կադանում այդ ժամանակ Կար 20 տուն հայ, հայեր կային նաև Ավիյաժսկում. 1667 թ. հոկտեմբերին սվլյաժսկցի հայ Իվանես Եսիպովը Վոլգայով տանում էր 10050 փութ աղ⁷³:

1659 թ. Նոր Զուլայից Աստրախան են մեկնում և 1660 թ. Մոսկվա հասնում 9 վաճառականներ (Խոճա Զաքարի ղեկավարությամբ), իրենց հետ բերելով հանրահայտ ադամանդյա դահր և այլ բազմաթիվ արևելյան ապրանքներ, որոնց արտադրությունն ու առևտուրը հայերի ձեռքին էր և որոնք պետք է ցույց տային հայ վաճառականների հարստությունը, հնարավորությունները ուրեմն և նրանց հետ առևտրի օգտավետությունը ցարի և Ռուսաստանի համար⁷⁴: Հայկական կոմպոսիտայի հետ 1667 թ. առևտրական պայմանագիր կնքելը մեծապես նպաստեց Ռուսաստանի և մասնավորապես Մոսկվայի, Աստրախանի և վոլգյան այլ քաղաքների ապրանքաշրջանառության մեծացմանը:

Կցկտուր են մեղ հասած սեղեկուրյունները Աստրախանի Կադանի, Մոսկվայի և այլ քաղաքների հայ բնակիչների՝ արհեստավորների ու վաճառականների մասին, բայց պահպանված պատասխաններն անդամ մեծ արժեք են ներկայացնում, քանի որ հարցի շուրջը որոշ պատկերացում ստեղծում են Ռուս հոստերի բողոքներից պարզվում է, որ Շամխայր թալանել է նրանց ապրանքների քարավանը, որի հետևանքով միայն աստրախանցի հայ սեպտորը կորցրել է 5000 ռ. ապրանք⁷⁵: Նման հարստության տեր վաճառականներից ստացված հարկերը, ինչպես դրսից եկողներից դանձվող մաքսերը լրացնում էին դեֆիցիտով տառապող ցարական դանձարանը: Պարզ էր, որ ռուս արքունիքը պետք է քաջալերեր առևտուրը, ուժեղացնելով Ռուսաստանի տրանզիտային նշանակությունը Արևելքի ու Արևմուտքի համար: 1667 թ. հայկական առևտրական ընկերության հետ կնքված պայմանագիրը հսկայական նշանակություն ունեցավ ինչպես հայ-ռուսական տնտեսական ու քաղաքական կապերի ամրացման, այնպես և ռուսահայ դադթավայրերի հետագա զարգացման համար⁷⁶: Այդ պայմանագրի կատարմանը և առևտրին նպաստելու համար որոշվեց Աստրախանում կառուցել «Օրյոլ» ծովային նավը՝ առաջին մեծ նավը Կասպից ծովում: Ավելացել էր գետային նավերի թիվը: Աշխուժացել էր կյանքը Աստրախանում: Առադաստադործության վարպետ հոլանդացի Ատրեյսը իր «Երեք ճանապարհորդություն» հայանի պրքում նշում է Աստրախանի մեծությունը, հարստությունը և շեշտում, որ հայերը, պարսիկներն ու հնդիկները այնտեղ մեծ առևտուր են անում ու նպաստում քաղաքի ծաղկմանը⁷⁷:

Նմանօրինակ վկայություն ենք գտնում «Օրյոլ» նավի կապիտան Դավիդ Բուտլերի նամակում, որտեղ նա հիշատակում է նաև քաղաք-բերդ Աստրախանի սպառազինությունը՝ 500 մետաղյա թնդանոթներով և հզոր կայազորով: Այդ մեծ ու ղեղեցիկ քաղաքում ռուսների հետ միասին առևտուր են անում բու-

73 Նույն տեղում, № 5350:

74 ЦГАДА, ф. СРА, д. 1660 г., л. 1—57.

75 С. М. Соловьев, указ. соч., книга III, էջ 567:

76 Եթե հավատանք Մ. Ռիրուշևիկին, պարսկահպատակ հայերը, կառավարության թույլտվությամբ 1667 թ. վերաբնակվելով Աստրախանում՝ իրենց բազմությամբ պերագանցում էին ռուսներին: Տե՛ս М. Рыбушкин, Записки об Астрахани, էջ 24:

77 Я. И. Стренс, Три путешествия, Москва, 1935, էջ 193:

խարացիները, զրիմցիները, նողայի թալարները, կալմիկները, պարսիկները, հայերը, հնդիկները⁷⁸։

Այսպիսով, 1667 թ. պայմանագրից հետո ամբողջ վոլգյան մայրուղին դարձավ հայ վաճառականների, նրանց զործակատարների ու բանվորների, կրոնավորների ու զիվանազետների համար բանով ճանապարհ, իսկ ոռոսական քաղաքների հայաբնակ գաղութները՝ Աստրախանից մինչև Կազան, ներեխտա, Արխանգելսկ՝ հանգրվաններ, առևտրական քաղաքների կանգառներ, վաճառքի կենտրոններ⁷⁹։ Աստրախանի բնակիչները, ինչպես և ոռոսները ընդհանրապես չավ էին վարվում հայերի հետ։ Անդամ Ս. Ռազինի ղեկավարած գյուղացիական ապստամբությունն ժամանակ, երբ հետապնդվում էին օտարերկրացիները (որոնք կամ նավատորմի ու բանակի սպաներ էին կամ վաճառականներ), թալանվում ցարի, միտրոպոլիտի, հայ և պարսիկ վաճառականների քաղաքները, Աստրախանի հայ բնակչությունը առանձնապես ոչնչով չտուժեց։ Ավելին, ինչպես վկայում է Ստրելյսը, ռազինականները իրենց բռնազրաված ապրանքը շատ էժան գնով վաճառում էին հայ առևտրականներին և կամ բաժանում աղքատներին⁸⁰։ Ուշագրավ է, որ ռազինականների մեջ ևս կային հայեր, որոնց հետապնդում էր իշխանովյունը⁸¹։ 1668—1672 թթ. ընթացքում ոռոս-պարսկական առևտուրը դադարեց։ Արքունիքը ղժգոհ էր, որ հայերը քիչ են մետաքս բերում, չեն կատարում 1667 թ. պայմանագիրը։ Երևի մասամբ դրանով է բացատրվում այն, որ հայերին թույլ չէին տալիս Աստրախանում նոր եկեղեցի կառուցել⁸²։ 1672 թ. Աստրախան է գալիս Հայկական առևտրական ընկերության լիազոր և շահի ղեկավար Գրիգոր Լուսիկովը՝ ոռոս-պարսկական հարաբերությունների և առևտրի կարգավորման համար, ապա մեկնում Մոսկվա։

Բանակցությունների ժամանակ Լուսիկովը նորից բարձրացնում է եկեղեցի շինելու հարցը, այն հիմնավորելով հետևյալ կերպ։ «Աստրախանում ավելի քան հարյուր տարի է, որ մեծ թագավորի կարգադրությամբ Պոսադում հայերն ապրում էին իրենց կանանցով... (տեքստը հին է, քայքայված, տեղ-տեղ անընթեռնելի—Վ. Ո.)։ Եվ աստժո կամքով համաճարակ եղավ (моровое повейтрне—Վ. Ո.) և դրանից հայերը մեռան և մնացին միայն 10 տուն։ Նրանք եկեղեցի ունեին և այդ եկեղեցում քահանաներ։ Բոյարին իշխան Յակով Նիկիտիչ Սդոյեվսկին նորին ցարական մեծություն հրամանով... քաղաքի պարիսպներից դուրս հանեց, ...իսկ եկեղեցին մնաց դատարկ։ Այժմ մեր եղբայրները հում մետաքսով և այլ ապրանքներով Աստրախան են գալու, և ապրելու են առևտրա-

⁷⁸ Русский архив. т. I, СПб. 1880, էջ 83։

⁷⁹ Մեր կարծիքով XVII դարի կեսերից է, որ վոլգյան դառնում է «Հայկական ճանապարհ», և չի կարելի համաձայնվել պրոֆ. Լ. Մելիքսեթ-Բեկի հետ, երբ նա բերելով «հայկական ճանապարհի» մասին ոռոսական երկտողը գտնում է, որ այն վաղ շրջանի հորինվածք է։ (Не бойся на Армянской дороге воров, а бойся в Нерехте каменных домов)։ Դրանում հեշտությամբ մենք կհամոզվենք, եթե հիշենք թեկուզ այն, որ ներեխտան որպես աշխարհագրական տեղանուն նշվում է միայն 14-րդ դարում, իսկ քաղաք է դառնում ավելի ուշ։ Այդ է վկայում նաև լեզուն, որոնք ոչնչով չի հիշեցնում հին սլավոներենը։

⁸⁰ Я. Я. Стрейс, указ. соч., էջ 200։

⁸¹ Крестьянская война под предводительством Степана Разина, Сборник документов. т. I, Москва, 1954, էջ 86։

⁸² АЛОИИ, ф. АПІ, д. 6080.

կան տանը (ГОСТИННЫЙ ДВОР), իսկ մեզ մոտ, քաղաքում, հայկական եկեղեցին դատարկ է մնացել և մենք մեր դավանանքով աղոթելու տեղ չունենք, քանի որ քահանան ապրում է բերդաքաղաքից դուրս... իսկ մեր առևտրականներին դի- շերը քաղաք մտնել կամ քաղաքից դուրս գալ չի կարելի, որովհետև քաղաքը (պարիսպը — Վ. Ո.) փակվում է և նրանք աստծուն աղոթելու տեղ չունեն»⁸³։ Այսպես, իբրև թե Պարսկաստանից եկող-ղնացող հայ վաճառականների ազո- թատեղի մասին մտահոգված, Գ. Լուսիկովը փաստորեն բանակցություններ է սկսում կանցլեր Արտամոն Սերգեևիչ Մատվեևի հետ՝ Աստրախանի հայ գաղու- թի արմատական շահերը պաշտպանելու ուղղությամբ, պահանջելով, որ «մեծ թագավորն իր ողորմածությունն անի, հանձնարարի ուղարկել իր թագավորա- կան հրամանագիրը Աստրախան՝ վոեվոդներին, որպեսզի նրանք՝ այդ հայերը իրենց քահանաների հետ միասին վերաբնակեցվեն քաղաքում, հին բնակատեղի իրենց տներում։ Իսկ վաճառած տները՝ ետ վերադարձվեն տերերին, նրանցից վերցնելով այնքան գումար, որքանով վաճառել էին։ Եվ ըստ հնույն թույլատրվի կառուցել իրենց եկեղեցին, իսկ առևտրական մարդիկ, որոնք պետք է գան այն- տեղ, նրանք աստծուն պիտի աղոթեն նրա, մեծ թագավորի, նորին ցարական մեծության երկարամյա առողջության ու հաջողության համար։ Իսկ եթե այլ հա- յեր Աստրախան գնալով կյստեկանան ամուսնանալ և մնալ Աստրախանում... որպեսզի նրանց Աստրախանի հայկական թաղամասում տեղ տրվի և նրանք այդ տեղերում իրենց համար տներ (ДВОРЫ — Վ. Ո.) կառուցեն»⁸⁴։

Լուսիկովի բանակցությունները հաջողությամբ պսակվեցին. պայմանա- դիրք վերահաստատվեց և 1673—74 թթ. սկսվեց աշխույժ առևտուրը, ըստ երևույ- թին բարելավվեց նաև Աստրախանի հայերի վիճակը, քանի որ գաղութը նորից աճեց, այնտեղ բնակվեցին նորանոր մարդիկ։ Թեպետ 1682 թ. փետրվարի 23-ի հրամանով արգելվեց այլազգիներին թույլատրել մշտական բնակություն հաս- տատել⁸⁵, սակայն բացառություն արվեց հայերի, վրացիների ու հնդիկների համար⁸⁶։ Հավանաբար Լուսիկովի առաջարկը քննվել էր, դրա համար էլ, հայոց եկեղեցու վիճակի մասին հարցում է արվել Աստրախան։ XVII դարի կեսերին վատացել էր Կազանի հայ գաղութի վիճակը՝ հավանաբար համաճարակի հետե- վանքով։ Պրոֆ. Ա. Գ. Աբրահամյանը ուշադրություն է դարձրել Վասիլ Գրիշի հիշատակարանի վրա, որի համաձայն նա Կազանում մի ձեռագիր է ստեղծել՝ որպես «մնայուն յիշատակ խալանի ժողովրդեան»⁸⁷։ Գրիշը հիշել է մի շարք անուններ՝ «խազանի ամենայն ժողովրդին մեծ և փոքր», որը հիմք է տալիս ենթադրել հայ գաղութի գոյությունը։ Սակայն 1670-ական թվականներին գա- ղութը փաստորեն դադարել է գոյություն ունենալուց և ստիպված Գ. Լուսիկովը հոգում էր նաև Կազանի հայերի մասին։ Նախ ասենք, որ մինչև XVII դարի կե- սերը Աստրախանի հետ միասին Կազանն էլ եղել է խոշոր քաղաք (20 հազ. բնակչությամբ) և հայերի վաղթօջախներից մեկը, որտեղ գոյություն է ունե- ցել հատուկ հայկական թաղամաս։ 1646 թ. գրանցման մատյանում (перепис-

⁸³ ЦГАДА, ф. СРА, 1672—1673, д. 1, л. 340—341.

⁸⁴ Նույն տեղում։

⁸⁵ Материалы по истории Узбекской, Таджикской и Туркменской ССР, выпуск III, Ленинград, 1922, էջ 253։

⁸⁶ Դե թրուին նշում է, որ Աստրախանի Կրեմլում գիշերը մնալ կարող էին միայն հայերը։ Տե՛ս ОИД, т. III, Москва, 1872, էջ 186—189։

⁸⁷ Ա. Գ. Աբրահամյան, Համառոտ ուղվադիժ հայ դաղթավայրերի պատմության, Երևան, 1965, էջ 371—372։

ная книга) հիշատակվող մի քանի թաղամասերից (слободы) մեկը անվանված է Հայկական⁸⁸։ Բայց Գ. Լուսիկովը հայտնում է, որ Կաղանում ապրող 20 տներից 17-ը գոհ են դարձել համաճարակի, 2-ը փոխադրվել են Աստրախան, ապրում են Հայկական սլոբոդայում, իսկ Կաղանում մնացել է միայն մի հայ՝ Ղաղար Գրիգորեն, որն ունի 6 աղջիկ և մի քանի որդի։ Նրա տղաներն ու աղջիկները հասունացել են, իսկ ամուսնացնելու համար փեսացուներ ու հարսնացուներ չկան։ Ուստի խնդրում է նրան ևս թողնել Աստրախան⁸⁹։ XVII դարի վերջին երեսունամյակում զգալիորեն աճում է Աստրախանի նշանակությունը։ Բացի Լուսիկովից, Ռոմոդամսկուց, խոճա Զաքարից և այլ մեծահարուստ խոջաներից Աստրախան են գնում հարյուրավոր վաճառականներ, նրանց դորժակատարները, բանվորներ, արհեստավորներ ու արվեստավորներ, դիվանագետներ, բանագնացներ, ազատագրական շարժման պրոծիչներ։ Նրանք շաբաթներով ու ամիսներով, իսկ երբեմն տարիներով, ապրում էին այնտեղ (ինչպես և Կաղանում, Մոսկվայում), կապվելով տեղի հայերի հետ, նրանց հաղորդակից անելով երկրի կյանքին, ժողովրդի ծանր վիճակին և ազատագրական ձգտումներին։ (միայն մեր ունեցած տեղեկություններով XVII դարում դրանց թիվը հասնում է 300-ի)։ XVII դարում և XVIII դ. սկզբին Աստրախանում ու Մոսկվայում են եղել այնպիսի դեմքեր, ինչպիսին են Ալգուստինոս Բաջեցին, Կարապետր, Կոստինոսը, Արթենիոսը, Դաուդովը, Բողդան Գուրջին (Գուրգիյը), Անտոնիոսը, Նազարիոսը, Կոստանդին Քրիստաֆորովը, Փարսադան Գուրջին (Գուրգեցկին), Իսրայել Օրին, Մինաս վարդապետը, Օրեխովիչը և ուրիշներ։ Աստրախանում և Մոսկվայում հայ գործիչները հանդիպել են ու գործակցել իրենց ժամանակակից ռուս և վրաց գործիչների հետ՝ սկսած՝ Օրդին Նաշչոկինից ու Արտամոն Մատվեևից, Գուրգիյից և Ուկրաինցեից մինչև Պետրոս Մեծը, Թեյմուրազից ու Նիկոլայ Դավիդովից մինչև Արչիլն ու Վախթանգը։ XVIII դարի հենց առաջին տարիներին Մոսկվայում մշակվում է Ռուսաստանի օգնության հայ ժողովրդի ազատագրության ծրագիրը, գծագրվում Հայաստանի ու Անդրկովկասի քարտեզները, կապ հաստատվում դաշնակից ժողովուրդների ներկայացուցիչների միջև⁹⁰։ Ազատագրական ծրագրերը XVIII դարի սկզբներին չէին կարող իրագործվել, բայց դրանք նպաստում էին քաղաքական ու տնտեսական կապերի ամրապնդմանն ու հայ գաղթավայրերի աճմանը։ Մեծանում է ու ձևավորվում Մոսկվայի հայ գաղութը, իսկ Մինաս վարդապետը դառնում թեմի առաջնորդ, որը ճանաչված էր ինչպես ցարի, այնպես էլ էջմիածնի ու Գանձասարի կաթողիկոսների կողմից։ Ի. Օրին, Մինաս վարդապետը և Սաֆար Վասիլևը դառնում են պաշտոնական ներկայացուցիչները ռուս իշխանությունների առաջ և ռուս իշխանությունների լիազորները՝ հայերի մեջ։

Պետրոս 1-ինը, որ խելացիորեն օգտագործում էր Արևմուտքի և Արևելքի ժողովուրդների կուլտուրական նվաճումներն ու արտադրական փորձը, քաջալե-

⁸⁸ В. Борисов, Город Казань по данным переписной книги 7154 (1646) года, էջ 15։

⁸⁹ Լուսիկովը գրել է... «Замуж их выдать не за кем, русские люди их не емлют, а сямоям дочерей своих не дают, и чтоб великий государь... велел указ послать, чтоб того армянина Казара Григорьева з детьми отпустить в Астрахань». ЦГАДА, ф. СРА, 1672—1673, д. 1, л. 343—344.

⁹⁰ Տես Վ. Ոսկանյան, Ի. Օրոյ կողմից Պետրոս Մեծին հանձնված Հայաստանի քարտեզը, «Պատմա-բանասիրական հանդես», 1961, № 4։

րում էր հայերի հոսանքը Ռուսաստան⁹¹, նրանց արհեստների ու առևտրի ծավալումն ու զարգացումը, նա ձգտում էր ոչ միայն ներմուծել հում մետաքս կամ մետաքսյա գործվածքներ, այլև ստեղծել հայրենի մետաքսագործություն: Պետրոս 1-ինը քաջալերում է թթենիների ծառատունկը Աստրախանում և այլն⁹²: Հետագայում Կիզլյարում ևս աճեց մետաքսագործությունը և գինեգործությունը⁹³: Մոսկվացի հայ Սաֆար Վասիլևը 1710 թ. մարտի 12-ին խնդրում է Պետրոսին թույլատրել, որ ինքը կսուղի մետաքսամշակման գործարան⁹⁴:

Հայերի տրանզիտային (ինչպես և տեղական) առևտուրը ուժեղ թափ է ստանում XVIII դարում: Այդ նշում են և արխիվային նյութերը, և օտարերկրացիների ուղեգրությունները: Բելլը գրում է, որ «Հայերը կատարում են պարսկական առևտրի մեծագույն մասը»⁹⁵:

Պետք է ասենք, որ ոչ միայն XVIII դարի սկզբներին, այլև հետագայում Ռուսաստանում արտագրվող հում մետաքսը չէր կարող ըավաբարել երկրի մեծ պահանջը, և ներմուծումը մնում էր զարգացող արդյունաբերությանն ապահովելու հիմնական միջոցը: Ներմուծվում էին նաև այլ արևելյան ապրանքներ՝ ամեն տեսակի գործվածքներ, թանկագին քարեր, ներկեր, ինչպես նաև համեմունքներ, մրգեր, քաղցրավենիքներ: Նվրոպայից ու ռուսական քաղաքներից Աստրախան էին բերվում արդյունաբերական ապրանքներ՝ զանազան կտորեղեններ, պերճանքի առարկաներ, ժամացույցներ, հայելիներ և այլն: Դե Բրուինը, ուր 1702 թ. Աստրախանում է եղել, գրում է. «Ապրանքները Աստրախանում այնպես բազմապիսի են, ինչպես մարդիկ ու նրանց հաղուստները ռուսներ, թաթարներ, հայեր, պարսիկներ, բուխարացիներ, հնդիկներ: Մայրամուտին թաթարները պետք է հեռանային քաղաքից (միջնաբերդից), իսկ հայերը կարող էին ռուսներին հավասար մնալ և առևտուր անել, թեպետ և ունեին սեփական թաղամաս»⁹⁶: Դե Բրուինի կարծիքով, հայերը 40 տուն էին, բայց կային նաև եկվորներ, որոնք իջևանում էին քարվանսարայում կամ հատուկ նրանց համար կառուցված երկհարկանի շենքերում⁹⁷: Աստրախասից Հայաստան ու Վրաստան եկած քարավանները բերում էին ամեն տեսակի հրապուրիչ, գողտրիկ ու անծանոթ ապրանքներ, որոնց հմայքը ժամանակի բանաստեղծ Նաղաշ Հովնաթանն արտահայտել է՝ համեմատելով դրանց կապուցը իր սիրած աղջկա կրծքի հետ. քո ծոցն՝ բեռն-բարխանայ, նոր է եկած Հաշտարխանայ, զալում եար, է՛յ, Թող Նաղաշն իւր ձեռոք բանայ, Նազլու յար, ինսաֆ արա, ամա՛ն, ամա՛ն⁹⁸:

91 Սենատին տրված իր հրամանով Պետրոսը պահանջում էր «մեծացնել պարսկական առևտուրը և ինչքան հնարավոր է սիրալիր վարվել հայերի հետ, ինչքան կարելի է թեթևացնել նրանց վիճակը, որպեսզի դրանով նրանց շահագրգռենք ավելի շատ մեզ մոտ գալու»:

92 Երբ Պետրոսը լսում է, որ եղել են ծառերը ջարդելու դեպքեր, հատուկ հրամանով դա հայտարարում է հանցագործություն, սպառնալով մահվան պատժով: Տե՛ս «Полное собрание законов» (կարճ՝ ПСЗ), № 1792:

93 XVIII դարում Կիզլյարում տնկվեց կես միլիոնից ավելի թթենի և դարի վերջին Կիզլյարի հայերը արտագրում էին 135.000 դույլ գինի: Տե՛ս Собрание актов, относящихся к обозрению истории армянского народа, Москва, 1833, т. II, էջ 97:

94 ЦГАДА, ф. СРА, 1710, д. 3, л. 1—3:

95 «Бельевы путешествия...», էջ 34:

96 ОИДР, т. III, էջ 189—193:

97 Նույն տեղում:

98 Ն. Հովնաթան, Բանաստեղծություններ, Երևան, 1951, էջ 65:

Մետաքսամշակման զարգացման և զրանում հայերի մասնակցության մասին տեղեկություններ են տալիս հայ վաճառականների ու արդյունաբերողների՝ պետերբուրգցի Լուկա Շիրվանովի, աստրախանցի Բոգդանովի, մոսկվացիներ Սակարովների գործերը։ Աստրախանում և Կիզլյարում մետաքսի գործարան կառուցելու առաջարկությամբ ռուսական արքունիքին հղած խնդրագրում Մակարովները գրում են. «Անցյալում, 1720 թ. մեր պապ Սաֆար Վասիլի խնդրագրի համաձայն նրան թույլատրվել էր Բերեքի վրա և կապակների քաղաքներում ստեղծել գործարաններ... ինչի մասին այն ժամանակ գրամոտա էր ուղարկվել Կազանի վոեվոդ Ապրակսինին։ Իսկ 1718 թ. մեր պապին տրված է բարձրագույն հրովարտակ՝ մետաքսի արտադրությունը բազմապատկելու մասին»։ Մոսկվացիները խնդրում են իրենց տրամադրել հողեր Աստրախանում և Կիզլյարի բերդի մոտերքը՝ ցորենի ու բամբակի ցանքսի համար, իսկ Աստրախանում՝ ստեղծել մետաքսի և բամբակամշակման գործարաններ (бумажные фабрики), ապա և դրանց համար թույլատրել Պարսկաստանից հումույթ ներմուծել առանց մաքսի։ Այդ դիմումը հարգվել էր և դրեթե բոլոր պահանջները բավարարվել⁹⁹։ Լուկա Շիրվանովին տրված արտոնությունները հաստատվեցին Նիդալետա Պետրովնայի կողմից, 1741 թ. սեպտեմբերին¹⁰⁰։ Նույն թվականի նոյեմբերի 11-ին նրան թույլատրվեց «վաճառականության համար կառուցել նավեր»¹⁰¹։ 1773 թ. ծովային նավեր կառուցելու և զրանցով Կասպյան առևտուր անելու թույլտվություն է ստանում Աստրախանցի հայ Գրիգոր Կամպանովը¹⁰², 1772 թ. թույլատրվեց վարձել գերմանացի լոցմաններ և այլ մասնագետներ¹⁰³, Սաֆարովին 1763 թ. այգիների համար տրվեց հողամաս և 10000 ու վարկ՝ առանց տոկոսի¹⁰⁴։ Դժվար չէ նկատել, որ Աստրախանում, Մոսկվայում ապա նաև Պետերբուրգում արդեն XVIII դարի կեսերին ուժեղացող առևտրական բուրժուազիայի կողքին ստեղծվում է նաև արդյունաբերական բուրժուազիայի ջոկատ, որի հարստացումը կապված էր մեծ մասամբ վարձու բանվորական ուժի շահագործման հետ։ Կապիտալիստական զարգացման ճանապարհին կանգնած Ռուսաստանի տնտեսական կյանքի ոլորտի մեջ են մտնում նաև հայ մեծահարուստներ, որոնք կապված էին ինչպես Արևելքի, այնպես էլ Արևմտյան Եվրոպայի շուկաների հետ։ Ռուսական պետությունը ելնելով իր քաղաքական ու տնտեսական պլաններից շարունակում էր հայ բուրժուազիային օգնելու քաղաքականությունը, շնայած նրանց արտոնությունների դեմ ուղղված բողոքներին, որոնք պարբերաբար կրկնվում էին 1670-ական թվականներից սկսած¹⁰⁵, ինչպես ընդհանրապես հայերի, այնպես էլ մասնավորապես Աստրախանցիներին տրված մենաշնորհումների դեմ բողոքում էին Մոսկվայի ու Աստրախանի ռուս

99 Այդ թղթի վրա, 1740 թ. 17/9-ին դրված է հետևյալ վճիռ-մակագրությունը. «Для шелкового завода и для сеяния пшена и хлопчатой бумаги места отвести и фабрику построить позволяется, шелк привозить из Персии три года беспошлинно, с краски и инструментов пошлин не брать, фабрики от постоя освободить». ПСЗ, т. XI, էջ 259.

100 Նույն տեղում, էջ 608.

101 Նույն տեղում, էջ 533.

102 ПСЗ, т. XVIII, стр. 1018.

103 ПСЗ, т. XIX, стр. 619.

104 ПСЗ, т. XVIII, стр. 387.

105 В. В о с к а я н, Новоторговый устав и договор с Армянской торговой компанией в 1667 г., «Известия» АН Арм. ССР, 1947, № 6.

վաճառականները և այլազգիները: Այսպես, Բուխարայի խանը իր ղեսպան Սդիդիրի հետ ուղարկած նամակում բողոքում է, որ 1723 թ. Մարտիրոս Իվանովին Վոլինսկին տվել է Բուխարական, Գիլանի ու Նադրիժանի վաճառատներում, Կապականի սլորոգաններում և յուրտերում սպիտակ բյազը ներկելու գործը: Այնուհետև նշում է, որ «1705 թ. Բուխարցիները Աստրախանում ամեն տեսակի ապրանքներ կարող էին ներկել, իսկ այժմ մի հայ այն կապալով է վերցրել»¹⁰⁶ Կապիտալիստական կոնկուրենցիան իր նախնական ձևերով արդեն արտահայտվում էր Աստրախանում 18-րդ դարում, սակայն այն չէր կարող արմատականորեն փոխել ռուսական պետության քաղաքականության հիմնական դժերը: 18-րդ դարի 20—30 թթ. Ռուսաստանում ստեղծվում են նոր գաղթավայրեր Կիզլյարում, Մոզդոկում, Սուրբ խաչում, մեծանում և ուժեղանում են հայ գաղութները Մոսկվայում և Աստրախանում¹⁰⁷, նշանակալի դեր խաղալով հայ ժողովրդի պատմության մեջ¹⁰⁸: Բավական է հիշել Ի. Օրու և Մինաս Վարդապետի կապը մոսկվացիների և աստրախանցիների հետ, Օրու ղեսպանությունը, Պետրոս 1-ի Պարսկական արշավանքը և հայ ժողովրդի տասնամյա պայքարը Բուրքիույի ու Պալսկաստանի նվաճողական ձգտումների դեմ, Մինաս Վարդապետի, Իվան Կարապետի, Լուկա Շիրվանովի, Ավան Յուզրաշու, Գրիգոր Ստեպանովի, Դավիթ Նազարովի դործունեությունը՝ կապված Մոսկվայի և Աստրախանի ռուս և վրացի դործիչների հետ:

Մոսկվայի և Աստրախանի գաղութների պատմությունը՝ հայ-ռուսական կապերի և նրանց պատմական դերի կոնկրետ արտահայտությունն է, որը ներկայացնում է դրանց պրոպրեսիվ նշանակությունը հայ ժողովրդի կյանքում:

Ռուսաստանի հայ գաղթավայրերի դեբյուտը նշանակալի է դառնում հատկապես 18-րդ դ. 20-ական թվականներից հետո, բայց այդ շրջանի մասին մենք չենք խոսում, քանի որ այն հանդամանորեն ուսումնասիրված է ու շարադրված Ա. Յուխտի, Վ. Խաչատրյանի և Ֆ. Գ. Պողոսյանի ուշագրավ դիսերտացիաներում և հրատարակված հոդվածներում:

¹⁰⁶ Դեսպանը խնդրում է հային զրկել այդ արտոնությունից, քանի որ անցյալում «Того откупа не было, и дабы... откупщику от того отказать». ЦГАДА, ф. Бухарские и Хивинские дела, 1728 г., д. 6/п, л. 1—2.

¹⁰⁷ Աստրախանի հայ գաղութը հասկողականորեն մեծանում էր, թեպետ բնակչության աճին խանգարում էին անբարենպաստ կլիման, քաղաքի անապահովությունը, հրդեհներն ու համաճարակները: Այսպես, 1692 թ. 5 ամիս շարունակվող համաճարակի զոհ դարձան 10000 աստրախանցի և 5000 եկվոր: 1709 թ. հրդեհը ոչնչացրեց 570 տուն: 1728 թ. սոսկալի ժանտախտից զոհվեցին հազարավոր մարդիկ, մյուսները արտարսվեցին քաղաքից:

¹⁰⁸ Այդ տեղը միայն տարերային չէր, դրան նպաստում էին ինչպես ռուսական արքունիքը, այնպես և հայ ազատագրական շարժման գործիչները: Այսպես, օրինակ, Մինաս վարդապետը 1722 թ. արտաքին դործոց կոլեգիայում խնդրում էր հայերի համար ստեղծել բարենպաստ պայմաններ, որպեսզի շատերը գան Ռուսաստան. «Множество их арм. народу в российское государство для жияя придут, как из персидской, турецкой, так и с польской земель, и от того де его Им. в-у превеликая будет прибыль и распространение всяких заводов и купечества, и великие слободы могут поселитца вскоре...» (ЦГАДА, ф. 100, 1722 г., № 2, л. 1 об.).

В. К. ВОСКАНЯН

К ИСТОРИИ ВОЗНИКНОВЕНИЯ АРМЯНСКИХ
ПОСЕЛЕНИЙ РОССИИ

Р е з ю м е

Армянские поселения или колонии возникли в различных частях света еще в средние века. Процесс переселенческого движения и образования армянских поселений резко усилился в период сельджукских и татаро-монгольских завоеваний, упадка армянской государственности и многовекового господства турецко-персидских поработителей. Огромные массы армян в течение веков покидали Родину, искали спасения на чужбине, развивая там свою самобытную культуру.

История армянских колоний является неотъемлемой частью истории армянского народа. Особый интерес представляет история армянских поселений России—Астрахани, Москвы, Петербурга, Новой-Нахичевани (Ростов на Дону), ставших важным фактором укрепления политических и культурных связей армянского и русского народов.

Если история армянских колоний в Киевской Руси более или менее разработана, то история колоний в России XV—XIX вв. только сейчас становится предметом исследования.

В исторических источниках встречаются упоминания о пребывании армян в Поволжье и в русских городах еще с X—XII вв. и в период татаро-монгольского господства в XIII—XV вв. Однако более тесные связи между волжскими городами и Кавказом устанавливаются позже, после присоединения Казани и Астрахани к России. Укрепление русского централизованного государства в XVII в., улучшение отношений между Россией и Персией, заключение торгового договора с армянской компанией способствовали росту и формированию колоний, приобретших в дальнейшем важное экономическое и политическое значение. Этому содействовали дальновидные государственные деятели России, и особенно Петр I, наделившие армянских колонистов рядом прав и привилегий.

Большой подъем армянских колоний мы наблюдаем после 20-х годов XVIII века, в период освободительной борьбы народов Закавказья. Но мы не затрагиваем вопросов этого периода, так как они довольно хорошо освещены в диссертациях и статьях А. И. Юхта, Ф. Г. Погосяна и В. А. Хачатуряна.

Собранные нами сведения отрывочны, фрагментарны, но тем не менее они дают некоторое представление не только о продолжительном и сложном процессе становления армянских колоний, но и о их роли в истории развития армяно-русских отношений, в истории экономической, политической и культурной жизни армянского народа вообще.